

## **Nuutsbrief, september/oktoaber 2021**

*Bèste Veldeke minse,*

### **1. Vöörinsjrieving “Mien ieëste wäördjes”.**

In 't lèste nummer van Veldeke Bekèt höbtj g'r achterin kènne laeze det bönnkort weer 'n nuuj dialekbeukske versjientj. Veldeke Krink Ech geuftj det oet, tegeliek mit Veldeke Remunj en de Heemkundekring Zwame; in Echs en in Remunjs. Det beukske zal oetkómme vlak vöör de kènjerbokewaek in oktoaber.

***Leje van de betreffende vereniginge/Veldeke kringe kriege de gelaegenheid bie vöörinsjrieving 'n beukske te reservere taege de speciale pries van 10 euro p'r stök. Det kan tót 15 oktoaber a.s. door 't bedraag äöver te make op NL 65 RABO 0138 6319 64 van Veldeke Krink Echt, ónger vermelding van naam en lidnummer.***

Nao 15 oktoaber zal 't beukske in de bookwinkel en op oos verkouppuntje te koup zeen voor € 12,50, vöör ederein, dus ouch vöör leje geine speciale pries mieë!

Wellich raeje vöör uch óm te bekieke of vöörinsjrieving get is. Dan weurtj 't beukske vöör uch gereserveerdj en kèntj g'r 't nao 15 oktoaber aafhaole, oppe jaorvergadering of 'n anger activiteit. *Informatie äöver dit beukske stuitj in 't lèste nummer van Veldeke Bekèt, achterin op blz. 10.*

### **2. RaboClubSupport kömtj weer aan!**

Oos vereniging, Veldeke Krink Ech, geitj ouch dit jaor weer mitdoon aan de sponsorcampagne van de Rabobank. In vöörgeandje jaore haetj ós det 'n sjoan extra bedraag opgeleverdj, womit oos begrueting kan waere opgekriktj en activiteite kènne waere óngernómme. Want ouch oos nuuj activiteite in dit corona-jaor koste geldj. W'r dènke mit name aan de oetgave van beukske en 't digitale dictee.

De opzèt is weer 'tzelfdje en daoróm vermeldje w'r hie nog mer effe wie 't zitj.

Leje van de bank kènne in de waek van 4 t/m 24 oktoaber stömme op vereniginge en doele die ze sympathiek vènje en wille steune. Wie mieë stömme, wie hoger 't bedraag det de bank aan de betreffendje vereniging toekèntj. Eder lid van de bank kan 5 stömme oetbrenge.

W'r wille 2 dènger aan uch vraoge:

Ten ieëste: es g'r lid zeentj van de bank en bönnkort kèntj stömme, óm den ouch stömme toe te kènne aan oze Krink. Van de 5 stömme die g'r es lid van de bank moogtj weggaeve, moge maximaal 2 stömme op 'nzelfdje vereniging. Dus max. 2 vöör Veldeke Krink Ech.

De resterendje 3 stömme kèntj g'r toekènne aan anger, uch sympathieke vereniginge of instèllinge.

Ten tweeëdje: mesjien kèntj g'r ouch angere, femielieleje en vrunj aanspaore óm bie 't oetbrènge van hun stöm ouch aan Veldeke te dènke.

't Stömme kan dit jaor mit de Rabo Bankieren app en/of internetbankieren. Nao 't inlogge gaontj g'r nao “Zelf regelen” en den nao “Lidmaatschap”. Vanaaf maandig 5 oktoaber kèntj g'r dao stömme. In totaal weurtj in dees actie 200.000 euro verdeildj.

De Rabobank duitj det vanoet de maatsjappelijke verantjwaordelijkheid, wobie ze de lokale ómgaveing van hun klantje/leje wille óngersteune. Verzeuk: doontj geer det ouch.

### **3. Concertaovendj geit neet door.**

De in Veldeke Bekèt ónger vöörbehawd aangekondigdje concertaovendj op 17 november mit de Limburgse Jagers kan neet door gaon en weurtj verplaatsj nao 2022.

De volgendje activiteit is de Jaorvergadering op 20 oktober a.s. in de Pejjerhaof óm 20.00 oer. W'r haope uch den weer te kenne verwelkómme.

Haotj esteblijf raekening mit de nuuj toegangsregels. 'n Coronacheck (op pepier of op telefoon) of verklaring van negatieve test zeen noodzakelik.

Aanmelje vööraaf is nuuedig in verbandj mit de zaal klaor make en inkoupe van vlaai:

[info@veldekekrinkech.nl](mailto:info@veldekekrinkech.nl) of Zwaluwstraat 4, 6111 AV St. Joost

*Names 't bestuur de vruntjelijke groete,*

*Ton van Wegberg, vöörzitter.*